



GOVERNMENT
OF KHYBER
PAKHTUNKHWA

KHYBER PAKHTUNKHWA
**INTEGRATED TOURISM
DEVELOPMENT PROJECT (KITE)**
PROJECT MANAGEMENT UNIT (DoT)

Department of Tourism, Culture, Sports, Archaeology, Museums & Youth Affairs

Bhumki Mocan Behias Mansuba (IPP)



Khalasgaraw 1122 as Is't'shen(Rescue1122)

Mumuret Kal'as'adeshuna sawzek

Janimastrukasa (November 2021)

PMU KITE DoT

Khyber pakhtunkhway Hokmat



Saw ishnyaharian zhew;

Contents

Balati ishtiwe'	3
Karikbas' kormas sajara	3
Tsatshatak kroman sajara	3
Chom Tharani Ghona Alami Bhengas Bhumkian hatya palisi 4.10	4
Welhati wasail/ Kalas'a deshas bariuan oruna s'ati mondri	4
Bhumkian behias mansuba	5
Mansubaani Asar	5
Mansubaani prus't' Gat'a	5
Mansubaani Ziani	5
Mansubaani s'umber, mocuna zhe akherani hikbas' ziani	5
Behias bati ujhala mansuba s tartip	7
Gila'l zhe pigoran bati tartip	7
Justala-1 D'al thi hul'a ajati mashkulgi FGDs	8
Phutu jagek	16
Justala-2 Angrizian phucikas mondri	17
Justala-4 Bandaikas zhe mhac karikas mondri, Kromas pi hawel, mocay zhe nasi nyihikwew	19
Justala-5	20



Balati ishtiwe'

Chom tharani ghona Bheng Kal'as'umas kay tan krom karakas palisi 4.10una Bhumki ghon'aw day. Shia palisi shen'hen' ghon'aw day ki "Bhen'gas dita wasailan thara kia krom hin haw tasi day bhumki mocan hatya kia ziani ne hielo. Hawaw o pe haw to lhotsaiakas batil ya o zianias badelauna kre dikas bandubas hielo. Isa maksat bhumki mocan mocuna pokta behias zhe tharakias zaria karik, tasi phrel'ikas bas' kai zhe tasi dastooras hatya ziani ne kai, sawin hatya gat'a karikbas' kai. Bhumkian bihias shia mansuba moccias som sala kai, kas kas ki bas' shiaw aya mocuna tasi pi phuci, Mumuret Prenari C'hetrav Khalasgaraw (Rescue 1122as) is'tishen sawzaikas batil. Kia sala ki hawan te ama krom karakas zhe isa wal' hikuna zha, saw kay isa kormas batil dita tartipuna zhe wal' hikas tartipuna niweshi shian. Kia mansuba ki sawzai shiaw ia Ghona Alami Bhengas tasa pal'o hikas palisi 4.10as hatya zhe KITEas bhumki mocan hatya kada mansubaas hatya jagai kai shiaw. Khalasgaraw is'tishenas hatya jus'il'a whan'as naksha Justala chelak-5 zhe khalasgaraw (Rescue 1122 as) nasen whan'ani dur zhe dukanan, phondan, zhayan naksha o Justala kagas-6 una shian.

Karikbas' kormas sajara

Khyber Pakhtunkhway hokmat (GoKP) tan whan'ay bo no'a' krom zhe kroman res' chal'el day, cakerdhoias kormas behias zhe isa dai mulkani karobar beh karikas zhe subauna mocan hatya muzduri chal'aikas cal shiaw.

Aya azat mocan hatya cakerdhoiani karobaras zhewuna ati isa behias hatya krom karikas wara chal'aikas mamila. GoPKay hokmat Ghona Bhengas (WB) som pal'ey thi alami tharakias zhe behias tanzimas zariauna Khyber Pakhtunkhway saw moc ghi krom karikas mondr shiaw.

KITE sat khoror d'alerani ek tanzim Ghona Alami Bhengas sawzala. Isa maksat cakerdhoias behias batil khatuman karik, cakerdhoias karobarani saw jagaikas bas' whan'an gcdari karik kia ki Khyber Pakhtunkhwa shian. KITE cakerdhoias idara DoTas ek krom (project) ia cakerdhoias kormas behias zhe cakerdhoian suklat dikas batil krom kariu day. Cakergarikeinay C'hayan pi mocbi khalas karikas suklatas kamias hatya jagai KITE cakergarikeinay khalasgaraw (Rescue 1122as) is'tishen sawzaikas khialuna aaw, Galyat, Thandiani Abbottabad, Kewai Mansehra zhe Kumrat' wenari Dira zhe Mumuret Kal'as'adess prenari C'hetrav. Shama bhumki mocan hatya Khalasgarikas (Rescue 1122as) mansuba o Momal'on hatya sawzai shiaw.

Tsatshatak kroman sajara

PMU KITE dot Mumuret Tourismas sarkari whan'una is'tishen sawzek khojiu day dot ctaas sarkari whan'una. Isa whan'as naksha Justala kagas chelak-6una s'atai shiaw. Shaya is'tshenuna du sawzaili cimbar abadi sijhaun parin ek ta basikein hui ego dawtar hui. Isi khatuman som du 4x4 Ambulance hin ego anghar phal'auni mot'er hui, tagar o zakmian zhe ban



hul'a khalas karikas bati saman hin, kirik phus'uni, t'akt'er zhe Rescue 1122una krom garawan hiphazati wardi hin.

Chom Tharani Ghona Alami Bhengas Bhumkian hatya palisi 4.10

Bhengan dita wasailan tharakia krom ki hiu taley khamakha bhumki mocan hatya welhati zhe karobari phaida zhal'eli, shia phaida tasi dastooran hatya ziani ne kai hieli puruz', istrizha, juanan zhe akhabiran sawin hatya suklat zhe gat'a hieli. Palisiuana shen'hen' shiaw ki Bhengani dita wasailan pi bhumki mocan hatya gat'a hieli. Isa bat;

- I. Bheng jagel ki tasa dita wasailan thara kawa kawa kia krom ki hiu day tara mocuna bhumki moc asan e ya o krom garikeinas nasen bhumki moc asan e ne.
- II. Dec ghriaw deshuna kasi welhatas pi hal ghriiu.
- III. Kromas har darajauna bhumki mocan som moy kai mashkulgi zhe sala hiu, azat sawis mondr ghriun pariu. Khas kai krom karikasa hawel lay, shen'hen' karikas thara tasi saw mondr ruaw in, tasi isa kromas bal'i hik zhe isa som kut'hu dyek thar nyihiu.
- IV. Shemi saw pura kai toa dec ghriaw idara bhumki mocbias behias bati mansuba sawzai to sawis ruaw oniu, phato Alami Bhengas manzuriani picis't'aw o isa kromas mondr sawis som zhal'aikas bati websituna thel saw thi ama pashin ori ghon'i.

Welhati wasail/ Kalas'a deshas bariuan oruna s'ati mondr.

Kal'as'a Khyber Pakhtunkway prenari c'hetraway e'n'he'n' UC una tre kuyay apaw diaw ne-Musulman mocbi. Tasi kay ek tanha mi masahap zhe wharas som justuna tanha us't'ik nisik hikas day, ego isa phawas som bo meharas wajehen bhumki ghon'un pariu day. Aj adua zhe shemi kam e'n'he'n' ucas Mumuret, Rukmu zhe Biriu namen tre kuyay aan, isa mocaw adhe o kromas zhe talimas bati c'hetraway zhe tagar shaharay dhrus Pakistanuna asan.

Kal'as'adesh prenari c'hetrawas suribhot'ik gehen Afghanistanas buridauna Hindukush nomen dhentan mocuna shiaw. Kal'as'adesh ghona patishoyas pi 2100 gaz hatal'a shiaw. Shanday kuyaw

Day tre uk parin day, Momal'aok, rukmulaok zhe Birilaok. Shemi s'aw tre uk pai pai c'hetraway ghona uguna pal'an day.

2017as moc-is'maruna e'n'he'n' ucuna saw kai 27 ghrom nyihon. Mocbi o khuli kai 28,182 jhon hawan, 3,983 o kushun hawan, har dura jamuki 7.07 jhon hawan. Kal'as'a mardum o itu tyai 15 ghromay 4100 jhon hawan. E'n'he'n'ay mocbias 14.5%.

Kal'as'a tan te tanha thi apaw diaw ek rhom, isi apaw dikeinas s'oy bianaw mocbi zhe idara ne hikas mul'i, magam ajo cakerdhyo ikas dai o mamila warek thi shiaw. Kal'as'on tan waway phawas som dastoori laz'na mehar shiaw. Emi tan whan' kis'man zhe caraikein kai ajat Karin day. Adhe whan' o emi mand'awjawan bati tanha kai asan.



Bhumkian behias mansuba

Behias mansubaas ek chelak o Kal'as'a deshay bhumki mocan som yawan hikas bati Khalasgaraw (Rescue122) sawzek shiaw. Shama mansuba kiteas bumkian hatya palisiani ghri, IPPF asta ghri, mocbi rhombai tasi pi mondr ghri sawzai shiaw. Shemi mashkulgi 12 Novemberani ghri 14ita zha hawan. Phato Khalasgaraw (Rescue 1122as) nasenaw ishnyaharian zhe asawan behias bat asta sala hawaw. Bhumki Kal'as'on som kul'um mashkulgi hikas bat bo abel' kai krom hawaw. Hawel Angriziuna zhe Urdu-una phuciakas mondran phiris saus hawan.

Tharika zhe cal kai Khalasgaraw (Rescue1122as) nasen asawan zhe s'oy asawan som marakha kai, gad'erakan khoji, Kazian khoji shisi welhati zimawaran som nisi saw krom karun paron. Shanday marakhay istrizha, noyoko gad'erakan zhe welhatani ajati mocan som justuna sarkari apsaran asta jus hawan, Kal'as'a zhe patua saw ainyi. DOAM marakha karikuna yawan hawaw saw mondr Kal'as'a wharan hawan. Mashkulgian sajara niweshi aya s'at'ai shian.
Justala-1

Mansubaani Asar

Fgday nisuna Kal'as'a Khalasgaraw (Rescue 1122as) saus hik bo phasulnak zhe ajati jos'ion, tasi mondr shen'hen' hawaw ki shama shen'hen' suklat bo ruaw s'at'i ajat ashinyi. Shisa Khalasgaraw (Rescue 1122as) pi hawelo phaida ghriaw ta Kal'as'a mi, isi pis't'aw o nasen asaw tagar mocbi. Akheruna o anday in day shate cakerdhoyu bata isa pi phaida ghriin.

Marakha kai mashkul hik wew shemi gat'a zhe zianiani mondr thar nyion.

Mansubaani prus't' Gat'a

- Shandyey kromani cakerdhoyuan zhe Kal'as'on som yawani hiu.
- Isa day c'hek c'homikay z'ar ilac hiu.
- Watuna ilacas whan'una zhal'un hiu.

Mansubaani Ziani

Ama idara sawzaikwew kia ziani zhe gudazi ki hin te saw niweshi pashai shian.shemi zianiani asar Mumuretay isa Rescue is't'shenas bariuna shian.

Mansubaani s'umber, mocuna zhe akherani hikbas' ziani.

Is'mar	Pat'akik zhehawyuu	Hikbas' ziani	Ziani kamaikas abel'
1	Sawzek 1122as is't'shen	Mocbias phon zhe brondz zian hin.	Mocbias kay hawel mondr dai tasi hatya phon diun pariu tan kasikas zhe malan hatya.
		Sawzaikwew khul hiu shamon malwa nyihiu se o shum jonel.	Sawzaikwel'aw malwa desha histun hiu. Tagar gozdum o sarkari



		Khalaskarikas kromani dang gozdam paida hiu tara whan'una.	gozdam dyiunay dyiun hiu. Malwal desha shen'hen' awata histun pariu ki se nazi ne kariu, chom nazi ne kariu ego nawan'ts ne hiu. Aya krom garaw dasmuza sambi, nhastay mask dyai, khuray o ghoghana but' dyai krom Karin zhe gozdam anday al'ay Karin.
		Is't'shen karikwew sarak ban thi law zhe pariawan hatya sarak ban thi gudazi hiu.	Moteran kasikas hatya prus't' iktizam karun pariu.
		Isa day gozdam pe hawaw haw desh nazi hiu, lahazi hin, tez mot'er kasikani is't'd'hen asta hin.	Krom garikwew whan' ban karun pariu, gheri niweshi s'atek hiu kasawan hatya abatha ne hikas bat.
2	CTAAs udhria dama garikein	Bhumkian hatya alagul hiu	Hic kia lagul ne karun pariu
		Naziok zhayay zhe ghona ugay pal'l nazi kariu.	Ghoghana khus' kay naziok tal'ay l'saun pariu
		Bhumkian bepardai hiu.	Dama garikein bhumki mocan askeinani desh sawzaun pariu
3	Naziogas iktizam zhe lasaikein	Sawis naziokas day pikas uk zhe ghaani uk nazi hiu.	Naziok bian chal'aikani s'umber to lagal kaikas abel' hiu
		Gozdum hikan ziani zhe gudazi hiu.	Tikadaras s'at'away gozdam histikas iktizam karawaik
		Lahaz garaw goikan apawdiikein	Khus' kai gozdam tal'ay dyai thara o uphoni dyiun pariu
		Or Kocikasa zhe pipe dangaikas thara udhun' hiu	Uk bitrisawai udhun' nisai krom karun pariu
4	Dastoori	Projectas kroman day dastoori zhe tariki whan' prauz'un parin	Dastoori khatumanan hatya hic kia ziani ne karun hiu. Shama idara hokmati khatumans hawlias udhria sawzeny day, DoTas zhe CTAAs udhria. Kal'as'on hatya ziani ne hiu
5	Khalasgarikas krom	Ne jhoni kromgarawan	Rescue1122 uzhat kai



	zhe Rescue 1122as iktizam	zhe ne jos'iawan day isa projectas maksat noshun pariu	jhonaw zhe bandala kromgaraw haliu. Kromgaraw mulaziman kal'as'on bariuna bandaun pariu. Is't'ishenuna training asta diun pariu. Mhac karikas cal niweshi s'at'ai shiaw; justala-4una
--	---------------------------	--	---

Behias bati ujhala mansuba s tartip

KITE welhatas zhe c'hetraway hokmhatas som sala kai Rescue1122ani kromgaraw isa whan'as nasen asaw mocbias zhe mut'hik azharan zhe tagar dunyaas wal' hikas bati mansuba bhini asaw. Aya hark as zamawari zhe nasen dunyaas zhe ishnyaharian gcdarias zhe mocbian gudazi kamaikas bati iktizam citi aaw. Ama dawtar sawzawaw t'ikadar krom karikani s'umber tan CEMP kiteas zhe pmuas gad'erakas del. Bhumkian dastoor ne zian karuna dikas bati andyey welhatani mi moc aya Rescue1122una kromaikas bati haliun pariu. E&Sas mahir, pmuas zhe C&Was zhe empas som jus hiaw PMU dot khamakha bhumkian wal' hikas bati bhinil'a mansubaas gcdarias bati abel' Karin dotas gad'erakas no'una.

Gila'l zhe pigoran bati tartip

Saw gil'ai zhe pigor kiteas sawzala Gil'ai ujhawaw tartipuna onun hiu kiteas nouna mi. T'ikadaras kay uzhat hiu ki se gil'ai desha karikas tan GRM Angriziuna, Urdu-una zhe Kal'as'a mondran niweshiu, isi ek nakul o kiteas, pmuas zhe dotas som zhal'el. T'ikadar grman bati bhumian wan'ts kai Bandai te mhac asta kariu. Se shemi saw krom Kal'as'a mondran tarjuma asta kariu sawis som zhal'aikas zhe jhonaikas bati. PMU shemi saw krom jagai o isi bariuna Alami bhengas (WB) kay mondr del.



Justala-1 D'al thi hul'a ajati mashkulgi FGDs

Mumuretay bhumki mocan som sala kai Khalasgaraw1122 (Rescue1122as) is't'shen sawzaikas bati hawel Urduan zhe Angrizian phucikas mondr niweshun paron. Phucikas te mondr Urduan zhe Angrizian niweshi aya s'at'ai shian. Justa-2-3. Rescue1122as nasen asaw bhumki mocbias som sala karikas bati ek tartip karun paraw. Tanha kai istrizhon zhe Patuon som asta mashkulgi hawaw. DOAM FGDay whan tarjuma karikas bati asta yawan hawaw.

Mocbias som sala karikas bati welhatani gad'erakan zhe Kazian khojun paraw. Deshani moc kura ta phakat Kal'as'a mondr mi jhoniman ainyi kura kura o Urdu, Pashto zhe Khowar jhoniman ainyi. Mocbian pi ajati mondr ghriikas bati phucikas bati niweshil'a mondr tasi rhuaw thaun paron. Justala;2-3

Bo ajati mondran mocay Rescue1122as maksat zhe Momal'on hatya ajati hikas sala.

Rescue1122 as day gat'a zhe aya isa saus hikas zhe krom karikas thara mocan zhe mulkas thara isa asaras bati sala hawan.

Oruna s'at'I mondr phucun paron, welhati gad'erakan, jhonawak mocan zhe sarkari apsaran pi. Sat whan'ay Mumuretay mocbian som dal kai 12 tarikani ghri 14ita zha ajati mashkulgi hawan. Mumuretay Anizh ghromho'yan som dal kai mashkulgi hawaw. Rescue1122as nasen asawan som 12 November adua mashkulgi hawaw.

Is'mar	Nom	Asikein
1	Akram Hussain	Mumuret
2	Sher Juan Momal'a Kal'as'on kazi	Mumuret
3	Zartaj	Mumuret
4	Nemat Ullah	Cakerdhoyu, ita anday asaw mastruk thi shiaw
5	Muhib Ullah	Mumuret



Marakhaani itu tyai mondr

Rescue1122as is't'ishen har c'hayuna saw Momal'on hatya suklat del, phakat Rukmula zhe Birila o thaw hin khas kai khaca muchikasa zhe kirik dyikasa koki sarak saw nawan'ts. Sarak saus hin shamon tasi som yawan hiun ne hiu. Marakhaani moc amaan ki al'ay du Kal'as'a deshay asta Rescue1122as is't'ishen saus hiel. Rescue1122as nasen Kal'as'a zhe Musulman awdu pharika apaw deny day. Kal'as'a o shek himan adhek thaw himan parin day.



Is'mar	Nom	Asikein
1	Rahima BB	Mumuret Kra'ka'
2	Nisa Gul	Mumuret Kra'ka'
3	Zareen Gul	Mumuret Kra'ka'
4	Parcam Gul	Mumuret Kra'ka'
5	Zar Taj Momal'a	Mumuret



Rescue1122 kia whan'una ki saus hiu day asa o hokmhata mi jaiga. Shonja haluna ek mi awata tre hokmhati idara shian. Ek ta Mumuretay TMA ego CTA se ego rescue1122as is't'shen. Aya pat'wari asan whan' ghriikas zhe bri'n'kikas kromas bati. Du jhon gua kai is't'am kagazuna niweshi zemin ghriun zhe diun hiu, toa to sanhat o c'htraw dawtaruna dieli hiu. Akram Hussain amaw ki onja kia whan' ki jus'l asan asa Mumuret khond'a mocuna hikan sawin hatya s'oy. Shen'hen' mondr asta hawaw ki isa is't'ishenas barauna mocbian kay khabar kareli tasi kay isa ajati hikas mondr dieli, isabarauna niweshonu pe hawaw haw to Kal'as'a mondr asta tarjuma kareli Kal'as'on bati. Shande kromani hic kas hatya kia ziani hiu magam wadi asta krom karikasa khial kai krom hieli nasen asawan pi zhe nasenaw dunyas pi. Welhatani moc shama mondr asta pron ki aya Rescue1122una ande kuyani mi moc kromaika ghieli koki tea ma whan' saw jhonin wan'ts zhe nawan'ts zhe saw phon jhonin. Shama mondr asta pron ki Mumuretay BHU haspatal asta beh kareli ki mocbias hatya suklat zhe gat'a hiu.

Khalasgaraw (Rescue 1122 as nasen asaw Istrizha d'alias som hul'a ajati mashkulgi. 13/11/2021

Marakhaani sajara

Kra'ka'y ek kimon istrizhon pi Rescue1122as barauna mond phucun paron. Zar Taj Khan o tara tarjuma garaw ais pucawan zhe mondr diawan mocuna. Mashkulgiuna jhonun paraw ki istrizha c'hetraw saw krom Karin hul'a, malahal asta dharin hul'a tagar Kal'as'a lok sawzai, cot'ai wagen dai Kal'as'a us't'ik nisik sawis jhoney dai hul'a. Te amaan ki ziat mocan som adadhek kis'onu o thaw thi shian magam shama is't'shen sawzaikani Kal's'on zemin o zian ne hin. Te shama mondr asta pron ki hokmhat isi som mashin zhe training dai mhac kai c'ic'hai bo yawan hiu day. Istriza amaan ki khasip jhonikas thara kuatin hiun parik wan'ts hiu. Te tan ishnyahari ne brin'kik bhaikas mondr pron wara ne hiu day aghon'an. Te shama mondr asta pron ki deshuna c'ekan ilac karikas suklat jamuki ne shian zaroorat o bo shiaw magam kamuti shiaw. Te aman ki adhe Kal'as'a o shek thi asan magam tan mocuna aphiatias thara apaw deny day. Ek kimono khawsangaw Kal'as'a tan te Karin day patua ne l'asai, tagar tal'ay o har kura ik bhaan day.



Nasen asaw welhatani Sukulay Bandawan d'alias som kada ajati mashkulgi. 13/11/2021

Is'mar	Nom	Asikein
1	Iqbal Shah Kra'ka' suhulay bandawaw	Kandirisar Mumuret
2	Ghulam Abdul Nadir	Kandirisar Mumuret
3	Badshah	Kandirisar Mumuret

Marakhaani sajara

Tre puruz' Kandirisar ghromani sukuluna Bandawan dal kai tasi som kada marakha, isi mocay Kal'as'a asta ainyi Musulman asta. Tasi mondr shen'hen' hawaw ki Mumuret kia mocbi ki aan tasi mocaw 30% ta Kal'as'a, 70% o Musulman asan. Te amaan ki is't'ishenas batijus'il'a whan' sawin pi prus't' ego asa hokmhati whan'. Rescue1122 atra sawzaikani Kal'as'on zeminan hatya hic kia ziani ne hiu. Magam atra krom karikas batimoc halieli hiu, jhonaw zhe muzdur ajat hin, el'l o mulkani mi ghri atra kromaeli. Te amaan ki zemin pezhemikas kia tartip ki Pakistanuna shiaw shase mi o anday shiaw. Magam du jhon gua kai is't'amas kagazuna niweshi zemin ghruiun hiu. Intiqalas tartip o aya whan'una o ne shiaw. Adrhak, mazhit zhe dhen'ta o saw awami. Te amaan ki Rescue 1122as is't'shenuna saw suklat hieli ego atra krom garawan prus't' mhac kai tasi to krom bandaeli. Te shen'hen' asta amatran ki atra pe bishlias janat'er s'at'aan haw tasa hphazat hieli tasa sadhrasas pi nasen asawan s'is' gand'aw ne hiuna dieli, nasen dur zhe dukan zhe hot'el asta shian.

Isa kromas saw maksat welhatani mocbian kay matrun paraw. Marakhaani mocan ajati mondr o shemi,

1. Kal'as'on som adhek zemin o thaw thi shian.
2. Tasi pi whan' ghri te nokdar abat ne kareli.
3. Kal'as'on pardaas pi khial kareli.

Khalasaraw (Rescue 1122 as) nasen asaw Kaman som kada ajati mashkulgi. 13/11/2021



Is'mar	Nom	Asikein
1	Salah uddin	Mumuret
2	Zar Taj	Mumuret



Marakhaani sajara

Kal'as'on Mand'awjal'ay kasikasa du Kal'as'on pi mondr phuci niweshonu hawan. Te amaan ki tasi som bo ziat l'haz'na dastoor shian magam ojaaw Kal'as'a bewasa hikan day Kal'as'a khul himan parin day. Tasi som mashkulgiuna tasi kay Rescue1122as maksat zhe ajati hikas barauna mondr hawan , emi amaan ki ande whan'ani moc saw phon zhe nawan'tsian pi khabardar, ego andena ama uk asta jhonin, al'ay pal'il'a khalasgarik asta jhonin. Magam wadi asta shemi saw krom karikas bati Rescue1122 sawzek bo ajati, aya krom garaw ghriik wew o homa mondr shasa ki Kal'as'a asta mocay dyieli. Te amaan ki shama suklatas krom CTAas hawlias udhria karun hiu day asa o hokmhati whan'. Mocbias zemin o zian ne hiu day. Emi amaan ki janjal anday al'ay karikas hatya tasi mi Kazi asan, zemin dikas zhe ghriikas hatya o Is't'am kai diun zhe ghriun hiu. Intiqal karik o aya deshuna o ne shiaw. Tre Kal'as'a desh shian Mumuret, Biriu zhe Rukmu. Momal'a ta shandey suklatani phaida ghriik bhaan Biriu zhe Rukmu o desha shatalak o tal'ay hatya tal'ay mi kay shama shen'hen' is't'ishen sawzaeli.

Khalasgaraw (Rescue 1122as) Is't'shenas hatya jus'il'a whan'una welhatani mocbias som mashkulgi 13/11/2021

Is'mar	Nom	Asikein
1.	Zafar	Mumuret
2.	Ghulam Jilani	Mumuret
3.	Ghulam Hussain	Mumuret
4.	Waseem Akram	Mumuret
5.	Sher Afzal	Mumuret
6.	Sher Azim	Mumuret
7.	Nadeem	Mumuret
8.	Ghulam Muhammad	Mumuret
9.	Soochai	Mumuret



GOVERNMENT
OF KHYBER
PAKHTUNKHWA

KHYBER PAKHTUNKHWA
**INTEGRATED TOURISM
DEVELOPMENT PROJECT (KITE)**
PROJECT MANAGEMENT UNIT (DoT)

Department of Tourism, Culture, Sports, Archaeology, Museums & Youth Affairs



Marakhaani sajara



No jhonin marakha kai tasi pi mondri phucun paron. Tasi kay mashkuljias maksat nis'an diun paron. Tasi kay isa projectas tsatshatak kroman mondri asta diun paron. Te amaan ki isa jus'il'a is't'shenas whan'as nasen Musulman zhe Kal'as'a adu pharika apaw deny day, isa rhuaw day o sarak shiaw. Nil'a cakerdhoyu ita anday apaw deny day. Aya pulhus is't'ishen asta shiaw. Welhati whan'as batni nis'an ne kai shian magam har hul'a tan tan whan' jhoniu zhe to saprel. Aya kia zeminan naksha o ne sawzai shian ia ta mushtarakha whan' zhe mand'awjaw zhe jangha ghon'i. Zemin intiqal karikas dastoor aya whan'una ne shiaw. Te amaan ki du jhon gua kai is't'amuna niweshi zemin diun zhe ghriun pariu. Emi amaan ki Rescue112una adrakhaw anghar phal'awaw asta hieli. Emi amaan ki ugaw pal'il'a dras'naikas iktizam hieli, tagar o haspatal zhe zaya hul'on ilac karikas iktizam hieli. Rukmul'ay zhe Biriay moc o isa suklatas pi phaida ghriik ne bhaan koki sarak bo ziat kharap hikan. Aya Momal'a deshuna bishli zhe internet bo ziat kamzor shian.

Mocbi shen'hen' asta amaan ki aya Rescue112una krom garawan bo poy kay mhuc kai bandaeli har khalas karikas to krom. Te shen'hen' asta amaan ki ilacas suklat aya ne shian tasi zaroorat o bo ziat shiaw.

Khalasaraw (Rescue 112as) zhe Mand'awjal'as al'e peranaaw asawan som Mashkulgi. 14/11/2021

Is'mar	Nom	Asikein
1	Hidayat Ullah	Mumuret
2	Muhin Din	Mumuret



Marakhaani sajara

Mumuretay mand'awjaw tada du jhonin pi phuci tasi phucikas mondran jawap niweshun paron. Te amaan ki Rescue112as batni khoshala whan' sawis hatya patikbas' hic kas kia janjal atra kai ne hiu. Te amaan ki shia is't'ishen deshani asaw c'hayan pi khalas karikas batni bo ajati. Emi amaan ki zemin intiqal karikas kia kanun aya ne shian magam is't'amuna niweshi zemin sawda karun hiu. Moc amaan ki isa is't'shenas nasen asaw cu'a pu'a saw moc isa pi phaida ghriik bhaan, kia ghrom ki isa nasen shian te Brun'an', Anizh, Kra'ka', Batrika, c'atruma ghrom, Darasguru, Kandirisar, sarikjaw zhe pong. Emi amaan ki jamuki bichi ghrom shisa suklatas pi phaida ghiin. Aya surias thara bishli sawzek asta hieli. Paruz' zhe istrizhe ek thi mut'aw men'wa uchundeny, tan mi c'hetraw asta. Te san'bhal karik zhe thek o istrizhon krom. Pacek, sik, bhinik zhe sude dharik istrizhon krom. Istrizha bew tal'l ghri sawew zhe ghreoni zhe kia asta ajati geharum Karin. Istrizha cot' dyeny zhe tron Karin.



Khalasgaraw (Rescue 1122 as) zhe Museumas nasen asawan som
Museums udhria nisi mashkulgi. 14/11/2021

Is'mar	Nom	Asikein
1	Akram Hussain	Mumuret
2	Mamat Shakil	Mumuret
3	Shaer Shah	Mumuret
4	Fahim Uddin	Mumuret
5	Yasir Ali	Mumuret
6	Ghazi	Mumuret



Marakhaani sajara

14 November adua ek marakha kai mashkulgi hawa Mumuret Museumuna 6 jhon ek kai nisai. Isa projetas mondr welhatay mocan kay diun paraw. Tasi mondr shasa hawaw ki aya deshuna pren'ak mulkas rhaw zemin pezhemikas (Intiqal) Muc'a dikas talel'a tasi rhaw dastoor ne shian. Anday khali du jhon gua kai is't'am niweshi zemin dieli ya o grieli. Te aman ki Rescue 1122as hatya khoshala whan' hokmhati mi. Al'a hawel TMA nomen apsar bhumki mucas pi ghri asaw cawkidarias ek nawkarias badelauna. Te aman ki andena zeminas kia naksha o ne sawzai shiaw, har kur tan nis'an'an thara ta whan' zhe welhati whan' zhe adhrak zhe mand'aw jaw zhe sual gaarikein jhonik.

Anday gakdon, ame'a, pay, saw thi haleny. har ghromas tan charaikein shian gagan hatya ta pas ame'on zhe payan hatya o hutal'a watay dhen'tay. Shisi malahalan thara andena moc tan dura zhuikas hatya prachona, c'as'a, c'ir, zhe mos Karin day. Phos zhe s'ing asta bo ajatuna parin day. Puruz' ta anday wal' pariu istri zha mal dhuin wal' o ne parin payan som. Gakdonan



zhe ame'a zhe pay wagen dai andena moc tan te ruzgar paida Karin day. Anday khali mal lahaz thi ego heman o anora thi nuksan hin day, hokmhat o kia ne kariu day.

Mos o sualay, koshaniay zhe khawganay ajatuna pariu day. har awata kal'as'um ogoegin som yawan thi krom Karin day. pay paidagarawas bas'es' josin day shatalak o onjes't'a. khali puruz' marikeina ya o c'hangpoc garikeina apaw day to Karin taley o mos ghri dura haty in.

jhonawan pi phucil'a mondri

Jhonaw Mocan Pi Ajati Mondr Ghriikas Bati Welhatani Mocbias Zhe Cerkardhoyuan Som Mashkulgi Hawaw. Ek Mocas Pi Phucil'a Mondras Som Tagar Moc Asta Salauna Thi Tan Tagar Modr Asta Dai Shen'hen' Thi Thipak Hawaw Ek Mondr Hawaw. Te Amaan Ki Hokmhatas Kal'as'on Pi Bo Khial Kai Isi Som Yawan Hieli. Emi Mand'awjal'an Zhe Tagar Dasturi Whan'an Gecdari Karikas Mondr Asta Pron. TE Amaan Ki Kis'onu Zemin Ne Ghrieli Ko Kis'onu Hawel Mi Abadi Kai Adhek Thaw Thi Shiaw. Adhrak Khul Hikas Ek Warek Perishani Rhuaw Aw.

Isa Projectas Pi Nis'ki Kamuti Zhe Gil'ai O Talim Zhe Sihatás Iktizam Ne Hikas Mondr Kia O Saphai Zhe Sarakas Mondr. Kia O Kal'as'on Shek Thi Khul Hikas Mondr Hawan, Sual Garikein Sawzaikas Mondr Hawan.

Saw marakhaw mashkulgiaw shemi mondr thar nyhi ruaw on;

1. Prus't' sukul zhe haspatal Kal'as'on bo ajat.
2. Deshas udhrimana sarak hielin saw awta zhal'ikas bati.
3. Pikas uk har awat hieli.
4. Naziogas bati kia iktizam hieli.
5. Kal'as'on parda setieli.
6. Bazaar thara kia asta.
7. dizik zhe cot'ek bandaikas iktizam hieli.
8. Bhumki mocbias gecdarias zhe hiphazatas iktizam sahi hieli.
9. Cakerdhoyuan ieli mi el'l mulkuna karobaras bati prus't'.
10. Ghona haspataluna z'ar zhal'aikas bati iktizam hieli.
11. Mocbias nasen mut'ik azharas zhe malahalas pi asta khial kareli gozdum zhe angar s'at'aikas pi khial kareli khas kai janghal.



Phutu jagek

Momal'a Itrizhon som marakha 	Momal'a Itrizhon som Marakha 	Welhatani mocan pi mondr ghriik 	Welhatani mocan pi mondr ghriik 
Muzeumani gad'arakas som mashkulgi 	Kal'as'a museumuna marakha kai mashkugi Rescue1122as bati 	Kal'as'amuseumun a marakha kai mashkugi Rescue1122as bati 	Welhatani mocan pi Rescue1122as barauan mondr ghriikwew
Welhatani mocan pi Rescue1122as 	Welhatani mocan pi Rescue1122as	Welhatani mocan pi Rescue1122as	Welhatani mocan pi Rescue1122as 
barauan mondr ghriikwew	barauan mondr ghriikwew	barauan mondr ghriikwew	barauan mondr ghriikwew



Justala-2 Angrizian phucikas mondr

Phucikas mondr- Bhumki Mocbias Mansuba (IPP)

Khalasgaraw1122 (Rescue1122) Mumuret Is'tishen

Jawapgarawan Nom _____

Whan' _____

Adua _____

Is'mar	Phucikas mondr	jawap
1	Rescue 1122 sawzaikas kia maksat?	
2	Kurey bhumki pharika Rescue 1122as s'oy ya o nasen asan? Sajara kai maa.	
3	Kal'as'a deshay whan' dikas zhe ghriikas kia dastoor? Kal'as'on som whan' setikas zhe pezhemikas kia dastoor shiaw e?	
4	Kia zariauna krom thi shiaw e 1Ama phazhi nis'an kai shian e shaksi zhe welhatian nis'an shian e? 2hokmhatas som kagaz sawzai sanhat thai shian e? 3hokmhatas som kia andyey whan'as bati niweshila dastur shian e? shian pe haw te det aya.	
5	Isa Rescue 1122as sauz hikas zhe krom karikas thara kas kia ziani pe hiu day haw tasi mondri det.	
6	Khalasgaraw1122 (Rescue1122as barauna tay ki mondr tan mondr de/ shemi suklat Kal'as'adeth hieli e ne hieli	
7	Rescues1122 sawzaikas bati jus'il a whan'as barauna tay kia khial?	
8	Tay kamas Rescue1122 saus hikas thara kia zian iu ya o kia gat'a hiu?	



9	Shonja zha Khalasgaraw1122 (Rescue1122) sawzaikas bati adhek kia krom kai asan e tara khoshala whan'una? Kai pea san haw maas.	
10	Bhumki mocan dastoor ne pragoikas bati kia kia kareli tan mondr de?	
11	Rescue1122as nasen asaw gat'a zhe zianiuna sharik mocbias naksha de.	
12	Shisa projectas wajehen day kurey kurey Bhumki pharikaas hatya suklat hiu nomay.	
13	Tharaw dita saw ajati mondran hatya jagai tu Rescue1122 as saus hikas zhe isa anday krom karikas bati kia tartip zhe thamis hieli ya iktizam hieli ghon'l maas day mondr de.	

Mon phucawas Nom_____

Uda_____

Tanzim _____

Tarjumagarawas nom(aaw pe haw)

Adua(tarik)_____




**Justala-4 Bandaikas zhe mhac karikas mondr, Kromas pi hawel,
mocay zhe nasi nyihikwew**

Is'mar	Training	Ga'ta ghriaw	Trainingan is'mar	Whan'	Sahan't	gehenaw
1	EHSani adesh Rescue 1122as bati	T'ikadar zhe salagaraw	1	PMU Pishaur	Sawzaekuna s'atikani hawel	PMU
2	EHSani adesh Rescue 1122as bati	T'ikadar zhe salagaraw	1	PMU Pishaur	Sawzaikas mucuna	PMU
3	EHSani adesh Rescue 1122as bati	Digha' dyiaw ostat zhe muzdur kromeina	1	Kromeina	Sawzaekuna s'atikani hawel	T'ikadar
4	EHSani adesh Rescue 1122as bati	Digha' dyiaw ostat zhe muzdur kromeina	1	kromeina	Sawzaikas mucuna	T'ikadar
5	Mocbias zhan khalas karikas training	Mhac bardigada kromgaraw	Kal'an Du	Tourismas whan'una	Sawzai pura kai toa	Tourismas gehenaw



Justala-5





GOVERNMENT
OF KHYBER
PAKHTUNKHWA

KHYBER PAKHTUNKHWA
**INTEGRATED TOURISM
DEVELOPMENT PROJECT (KITE)**
PROJECT MANAGEMENT UNIT (DoT)

Department of Tourism, Culture, Sports, Archaeology, Museums & Youth Affairs

